

INUIT ATAQATIGIIT

Inatsisartuni



UKA2019/Imm. 72

09. oktober 2019

Mimi Karlsen

Kalaallit Nunaanni Piartortut najugaqarfissaannik Naalakkersuisut pilersitsinissaq anguniarlugu suliaqarnissamik peqquneqarnissaannik Inatsisartut aalajangiiffigisassaattut siunnersuut.

(Inatsisartunut Ilaasortaq Jens Napätôk , Partii Naleraq)

Matumuuna Jens Napätôk , Parti Naleraq isumaqatigilluinnaratsigu nalunaarutigaarput, piartortut iluamik toqqissisimanartumillu piartorfeqartariaqarput.

Naalakkersuisulli akissutaanni atuarsinnaavarput Nuummi piartortut angerlarsimaffissaannik pilersitsigaluarutta 70 mio- nik akeqassangatinneqartoq. Napparsimasullu piartortut amerlanerpaat najugarisaminni ilaquttatik najorlugit piartorusunnerusarput, taamaammallu illumik piartorfissamik Nuummi sanasoqarnissaa naleqqunnani.

Taamaattorli oqarumavugut qanoq ittuugaluamik napparsimasut toqqissillutik piartorfissaannik pisariaqartitsivugut. Ilaquttanut qanigisamik piartortitsineq qasunartuuvoq, oqimaatsoq nalorninartorpassualillu. Ilaqutaasut aammalu piartortoq pitsaanerpaamik oqilisaaffigineqarnissaat pisariaqartarpoq.

Taamaammat Jens Napätôk -p siunnersuutaa itigartiinnarnagu ujartuisariaqarpugut qanoq piartortortatta toqqissisimaffissaannik, ilaqutaasunullu oqilisaataasumik najukkani asiigiinngitsuni iliorsinnaanerluta.

Nunani inuttoorsuarni piartortunut angerlarsimaviit napparsimasunik paarsisunik, nammineerluni ikiuuttunillu akuleriiaanik sullinneqartarput. Arlaqartutigut mattuttut oqaluffinnut attuumassutillit ikiuullutillu sulisarlutik.

Nunatsinni taamatut akuleriissunik sulisussaqaassanerpuq. Napparsimasunik paarsisut saniatigut piumassutsimik ikiuukkusuttoqassanerluni?

Napparsimmaviit piartortunik uninngasullit immikkut aningaassaliiffigisinnaavagut?

Tamakkuupput periarfissat assigiinngitsut ujartorsinnaasagut.

Itigartitsiinnarata periarfissanik ujartuisa. Taamaammat siunnersuut Inuit Ataqatigiit ataatsimiitsitaliamut susassaqartumut ingerlateqqippaat.